

schmerzen/ treibet den Schweiß dabey kräftiglich.
 Insonderheit ist diese Medicin ein oft bewährtes
 Stück bey allen new-gebohrnen Kinder-franckheit/
 die ein Genus Epilepsiæ ist: Dann so bald man
 ihnen/ so es an denselben gespüret wird/ nur ein $\frac{1}{2}$
 eines Granes/ mit ein wenig Wein zertrieben/ oder
 Mutter-Milch eingiebet/ so fangen sie alsobalden
 an zu ruhen/ vnd einen guten Schlaf zu thun/
 darbey der Schweiß nicht aussen bleibt/ durch wel-
 chen viel böses auß dem Leibe kompt/ vnter dessen
 erheben sie sich/ fangen an zu essen vnd trincken/
 vnd wirdt hinfürder dergleichen nicht mehr an
 ihnen gespüret/ vnd wann ia schon sich solche sym-
 ptomata vber etliche Tage wieder mercken liessen/
 kan man solchen dosin noch einmahl geben/ dadurch
 die schwache Kinder vber die massen gestärcket/
 vnd zurecht gebracht werden/ welche sonst ohne
 Hülff dahin sterben müssen/ deren ich viel mit die-
 ser Medicin nächst Gott erhalten habe. Weiters
 ist auch der Sp. Volatilis vitrioli, aluminis, Anti-
 monii, vnd andere mineralien/ ein kräftige vnd
 schnellwürckende Ruhe-machende Medicin. De-
 me neben dem Sulphure vitrioli narcotico, wel-
 cher auß dem Sp. volatili gefället meines wissens
 nichts bevohr gehet/ davon im andern Tractat ge-
 handelt worden. Cap. 4. & 5.